

下。是以征韓以來。每得以效功焉。在京邸時。左右欠梳剃好手。命雇鋪工來。捷快愜意。擬給俸十三石。三口糧。工辭曰。小人有母及妻子。所許不足以養焉。敢請賜俸十五石五口糧。則拜命矣。有司以告。公曰。是吾步兵之祿也。豈容微賤小技。襲卒伍之養乎。遂止。福島氏遺臣久留島若狹流寓近地。是日有以告者。卽時遣使聘之。若狹在安藝。食五千石。特加倍賜祿。若狹謝命之辱。辭曰。吾主嘗與君侯惡。今利祿而忘義。臣於心不安也。公嘆稱其義。益惜之。居數日。爲紀侯所辟。賜萬石邑。公鑒賞所致。若狹奉書謝恩。公平

昔儉素惜福。守約一介。不敢妄費。至其求賢傾倒。乃爾。羈旅之臣。或有慊請去。公爲設茶燕。贈以佩刀。曰。往矣。擇主求仕。若倦游。則復歸我。或窮而還。輒以原秩待之。德度寬宏。爲世所稱焉。公與侍臣論倫理。因語曰。人或疎其妻。殊乖情理。夫委身賴我。有雖爲乞丐。相從弗離者。情義之重如此。豈可不愛憐哉。故薄於妻者。恐無所不薄。不足以恃矣。聞者莫不感悅焉。嘗諭諸宰執曰。凡使人以祿而已。人未必附焉。祿仕者所當受也。豈若以情哉。苟以情。則一言之下。亦能得死士矣。主之利不亦大乎。又每語左右曰。人臨朝

夕膳或不稱意。母輒怒咎。夫盤中之粒。農民日夜耕作辛苦。以為我續命之祿者也。天道可畏。豈可不敬也哉。平昔燕閒之談。足垂訓者。大率是類也。公深戒輕薄。不欲近名。京師蓮花王院。後廡脩六十六步。慶長中。尾州射師試技于此。大為時所稱。爾後射家相承。卒為弓矢科場。謂之堂射。公惡其花費。禁士夫勿往。苟有所裨益者。雖小道必嘉尚。故士皆務實。云其矯正時弊。為世稱首者。當時士俗。以殉死為忠。君卒寵臣爭自殺。愚惑成風。以其多為國華。家懷惴惴之恐。邦有百其身之怨。公深疾其不經。欲以禁之。真一

函於廳曰。親臣欲殉於我者。簡記姓名而投焉。投者凡七十三人。公封簡以上。請曰。此皆迨臣之子孫。能守節效死者。即一旦失之。何以為天下先鋒。敢請假台命禁之。大府嘉而聽之。故公之卒。無一人倣尤者。又新婚者。賀歲造人家。浸竹枝於水。揮以濺之。甚或用杓瀉。稱為水祝。動至鬪傷。一時習以為俗。公戒其惡劇犯者。抵罪。皆先官禁數十年矣。其餘生平行誼。存于口碑者。更僕未能罄也。若夫行軍法制。自有一家見解。要略闕而傳焉。恭觀先公神武嶽降。明哲天授。固非不肖輩所敢窺知也。抑夫社稷之興。積勛

累勞。陵危涉險。不唯戎馬之間。功名嫌疑。尤爲難處。其艱苦何如哉。是故列世繼孝。承守鴻基。深念創業之勤勞。不敢怠羨。牆之懷。謹爾侯度。聿脩厥德。以祈天永命。唯或隕越。是懼。豈可驕逸。怠政而危。祖宗之邦乎。嗟夫。自先公始有邦。十世二百三十年。于茲封跨五州。爵躋羽林。方嶽之寄。帶礪之誓。永世無渝。盛德之餘慶。猗與丕顯哉。乃群臣之家。世祿十數代。永享恩澤。以育子孫。延逮厥躬。蒙藉餘蔭。實昊天罔極之德。其將何脩。以自效。得致報本之義哉。亦唯文武之業。是務。德義相輔。風俗歸厚。俱以護衛社稷。爲志。

以待供有事之用。雖則未必奉職致身。正自居然干城腹心。濟濟多士。國家以寧。庶其不素餐爾。祿毋負先公之遺德矣。

聿脩錄卷下

聿脩錄援據書目

後水尾天皇御書并御製歌宸筆

豐臣太閤賜書朱章封冊朝鮮賞帖軍中
號令示諭簡書及手簡等

東照太神君賜書

台德大君賜書

大猷大君賜書三代尊翰
率係親札

近衛應山公賜書親札

軍中諸將書牘小牧四國筑紫朝鮮
關原大阪等役所贈

高山公紀功劄子

開國功臣戰略劄子當時命諸臣所進
使其子孫追錄遺事重進

勲舊諸家譜記 俗稱由緒書

宰臣連署疏記 寬永辛巳諸宰執奉旨問訊遺老採拾舊聞編錄進呈

藤堂邑舊事 寬永中村瀨吉成奉使赴江州訪求先世遺跡質問碑所傳輯錄進呈

高山公遺話 寬文甲辰佐伯惟直私錄

山本覺書 延寶癸丑山本甚吉進呈

西島留書 延寶庚申西島之尤進呈

玉置覺書 元祿壬申玉置之長進呈

染井日記 寬文延寶間日曆藏於染井別館

列世記錄 時史所錄專記朝報事但首卷係後人追補多錄三宅道乙私撰行狀之文

宗國史 寬延中宗臣高文撰譜十二卷凡一百二十卷

元和先鋒錄 明和高中文撰詳記乙卯八尾戰狀并辨野史謬傳

重脩公室系譜 寬永辛巳貞享甲子嘗再奉命進呈文化庚午又重奉命脩撰

日光太廟配享由緒 文化辛未為歲上納太廟脩理料記由進呈

高山公行狀 乙宅道撰

高山公年譜 撰人

高山公傳記 同上

高山公言行錄 同上

忠勤錄 舊名集成秘考岡部親信私撰

平尾留書 撰人名字闕

視聽混襍錄 澤田定次私撰

事備錄

秘覺集

撰人

累世記事

平松仲撰

船威考

撰人

船手事記

曹所錄

公室年譜略

喜田村撰

編年雜記

阿曾正撰

右行狀以下十三種率出於俗間傳聞要之皆屬
雞肋但葑菲之采未可全棄耳獨定次所記較鐵
中錚錚頗足以徵焉亡臣渡邊了筆記本編詳斥
其誣野史不觸目也又有藤堂家譜者亦俗士
史撰耳若夫東照宮年譜烈祖成績成功記
杜撰武德大成記駿府政事錄武德安民記諸
德編年集成公卿補任藩翰譜本光國師日記諸

編實係石室金匱之秘可據以證我舊記矣世俗
群書如總見記太閤記豐臣家譜淺井記叔井日
記別所記波戰國軍忠記九州軍記朝鮮征伐記關原
軍記難波戰國軍忠記九州軍記朝鮮征伐記關原
露叢落穗集等其目不遑枚舉雖
未足盡信亦皆參攷以正異同云

--	--	--	--	--	--	--	--	--	--	--	--	--	--	--

伴贊先族禱治其嘗編其始祖言此
其事實福余同書咸之曰幸於一言余酌
錄之書成而後述矣其後能繼先志
按訂始竟此戶其門必也叙前部卷其
因促余跋之惟其言必其切業於各人
口至教見於歷史稗乘亦不數然而承

祀武切友他事又冒以禮傳公為
 新錄分出於家傳籍錄并當時
 家法不祀武既之禮保復守之遺於
 不特武功之烈蘇尚之所為參錄惟
 惟神聖治務以并古平之新之基
 其之此可乾而考之公詳治其新錄

洵之福能幸修祖治矣抑夫為家
 難之禮哉真之日海內為家傑學籍
 附處以觀切名世中限而為人為是
 臨陣在城之危而已年壯志心天刻
 以之志備物如才為之民而之深
 謀者為也併劍業守年而有之矣

不審公家蕭曹書澤居社於唐
也宜乎

燕之祖者漢之極深倚賴之太厚始
然於其身也切信之上也而至於子
孫亦在焉乎大封以藩屏 國家綏
延固皆其良有心也哉若夫心以

國家之教親賢而好學而殊揚
權之以身之考授精確分新錄之
可信之激其不待之矣余志其於
之能繼先志也乃係以聲之言鳴
呼人能隱此以聲之言因以激
燕之祖志人之明別新錄當獨候

家私書云乎哉

冬以己丑三月大學法外海教撰



男筱書

恭書聿脩錄後

夫為人臣而不知國家之所由興則渙若城池之
 鳧雁矣吾儕何幸忝享世祿優裕 恩波而晏然
 居四民之上豈可不深思其所本以振報効之志
 也耶然石室金匱之秘固不可得而窺焉世俗野
 史率好事者杜撰耳其將何以哉吾 公慨大典
 之缺親自質當時事蹟詳著國家創業勲勞以光
 昭 太廟令德釐為二卷鏤版頒布藩中遍俾
 群下咸得與聞而知 浩恩之所覃也 臣孝綽承
 乏謹視草因恭書 盛舉之旨云